

Na osnovu člana 90. Zakona o javnim nabavkama („Službeni glasnik BiH“ broj: 39/14) 01-1027/19 I Ponude sa predmejeom br 264-AO/19 od 05. 09. 2019. godine, zaključuje se slijedeći:

U G O V O R **O IZVOĐENJU RADOVA**

UGOVORNE STRANE:

JU SREDNJA ŠKOLA ZA TEKSTIL, KOŽU I DIZAJN SARAJEVO, ul. Mederesea br.5 Sarajevo, ID broj: 4200124800009 koju zastupa direktor škole Rovčanin Behudin, prof.(u daljem tekstu: **Naručilac**)

I

“SES” d.o.o. Sarajevo , ul. Trg ZAVNOBIH-a br. 25, Sarajevo, ID broj: 4201026910005, PDV broj: 201026910005, , koje zastupa director Emir Dedović (u daljem tekstu: **Izvođač**)

Sporazumjele su se o slijedećem:

I PREDMET UGOVORA

Član 1.

Predmet ovog ugovora “Isporuka I ugradnja gromobranske zaštite za potrebe JU Srednje škole za tekstil, kožu I dizajn ” Ponuda 264-AO/19 od 05.9.2019 izvođača radova, sa predmjerom i predračunom radova je sastavni dio ovog ugovora.

Član 2.

Ovim ugovorom **Naručilac** povjerava, a **Izvođač** se obavezuje da će za potrebe **Naručioca** izvršiti radove **Isporuke I ugradnja gromobranske zaštite na objektu JU Srednja škola za tekstil, kožu I dizajn Sarajevo** u skladu sa ponudom iz člana 1. stav 2. ovog ugovora .

Član 3.

Izvođač se obavezuje, da radove iz člana 1. opisane u Ponudi izvođača br. 264-AO/19. ovog ugovora izvede, stručno i kvalitetno, držeći se tehničkih propisa, pravila i standarda koji važe u oblasti ugovorenih vrsta radova, a koji su predmet ovog ugovora.

II VRIJEDNOST RADOVA (CIJENA)

Član 4.

Vrijednost radva iz člana 1. ovog ugovora, iznosi:

bez PDV-a: 5.987,00

(Slovima:pethiljadadevetstotinaosamdesetsedam KM i 00/100)

PDV: 1.017,79

(Slovima:jednahiljadaisedamnaest KM i 79/100)

sa PDV-om: 7.004,79

(Slovima:sedamhiljadaičetiri KM i 79/100)

Jedinične cijene radova iz člana 1. ovog ugovora su fiksne i ne podliježu bilo kakvim promjenama.

III NAČIN PLAĆANJA

Član 5.

Naručilac JU Srednja škola za tekstil, kožu I dizajn Sarajevo obavezuje se da će prema Izvođaču "SES" d.o.o. Sarajevo izvršiti plaćanje nakog obavljenog posla, I to u roku od 60(šezdeset) dana. U skladu sa Aktom br. 11/07-14-573.1 od 10.5.2019 Ministarstva za obrazovanje, nauku I mlade Kantona Sarajevo, plaćanje u korist Izvođača izvršit će Ministarstva za obrazovanje, nauku I mlade Kantona Sarajevo.

IV ODREDBE O ROKU IZVOĐENJA RADOVA

Član 6.

Izvođač se obavezuje da će radove koji su navedeni u članu 1. ovog ugovora izvršiti u roku od 5 (pet) dana od dana uvođenja u radove. Početak radova je 09.9.2019. godine.

Danom dovršavanja ugovornih radova smatra se dan uspješno obavljene primopredaje radova. Ako se primopredaja ne može obaviti u zakazanom roku iz razloga za koje Izvođač nije odgovoran, dan dovršenja ugovorenih radova smatra se zajednički planiran datum primopredaje. Primopredaja se smatra uspješno obavljenom ako u zapisniku nema uslovnih primjedbi na ugovorom predviđene radove.

Član 7.

Izvođač je dužan pridržavati se ugovorom utvrđenih rokova i operativnog plana.

Izvođač ima pravo produženja ugovorenih rokova u slijedećim slučajevima:

Usljed više sile, što podrazumijeva vanredne vanjske događaje ili pojave ili prirodne događaje (poplava, potres, kiša).

Ljudske radnje koje se nisu mogle predvidjeti, izbjeci ili ukloniti.

Mjere predviđene organima nadležnih tijela.

Rok za dovršenje radova produžit će se za onoliko dana koliko je trajala smetnja, uzimajući u obzir i vrijeme potrebno za ponovnu organizaciju rada i nastavak radova.

Izvođač je dužan podnijeti zahtjev za produženje roka Naručiocu u roku od osam dana po nastanku razloga za produženje roka. Produženje roka utvrđuje Naručilac i Izvođač radova u pismenom obliku i to u roku od 5 dana o pismenom zahtjevu izvođača.

Ukoliko Naručilac ne odgovori u navedenom roku, smatra se da je prihvatio zahtjev Izvođača.

V STRUČNI NADZOR NARUČIOCA

Član 8.

Nadzor nad izvođenjem radova vrši, Zavod za izgradnju Kantona Sarajevo.

Član 9.

Nadzorni organ je ovlašten da se stara i kontroliše: da li Izvođač izvodi radove prema ponudi, provjeru kvaliteta izvođenja radova, primjenu propisa, standarda tehničkih normativa i kvaliteta, kontrolu kvaliteta materijala koji se ugrađuju, da kontroliše dinamiku napredovanja radova i ugovorenog roka završetka sanacije krova, kao i da vrši druge poslove koji proizilaze iz važećih propisa i spadaju u nadležnost i funkciju nadzora.

Eventualni propusti Nadzornog organa u vršenju stručnog nadzora ne oslobađaju Izvođača od njegove obaveze i odgovornosti za kvalitetno i pravilno izvođenje radova.

VI GARANTNI ROK

Član 10.

Izvođač daje granaciju za kvalitet izvedenih radova i ugrađenog materijala u trajanju od 2 (dvije) godine, a koja počinje teći od dana okončanja i primopredaje radova. U toku trajanja garancije za kvalitet izvedenih radova, Izvođač će po zahtjevu Naručioca, o svom trošku preuzeti mjere popravke, u razumnom roku za ispravku navedenih propusta.

VII ODREDBE O RASKIDU UGOVORA

Član 11.

Naručilac može raskinuti ugovor:

1. ako se Izvođač ne pridržava uvjeta iz ovog ugovora,
2. ako Izvođač na pismeni zahtjev nakon 5 dana ne započne sa radovima,
3. ako Izvođač kasni sa završetkom radova više od 5 dana,
4. ako van ugovorenih uvjeta i bez saglasnosti Naručioca prepusti izvođenje svih ili većine radova podizvođaču.

Izvođač može raskinuti ovaj ugovor ako dođe u situaciju da ne može nastaviti sa izvođenjem radova, u tom slučaju preuzima obavezu da nadoknadi štetu prouzrokovanu raskidom, u iznosu od 20 % od ugovorenog iznosa.

Naručilac može raskinuti ovaj ugovor ako izvođač kasni sa završetkom radova duže od 5 dana, u tom slučaju izvođač preuzima obavezu da nadoknadi štetu prouzrokovanu raskidom, u iznosu od 20 % od ugovorenog iznosa

Iniciranje prekida ugovornog odnosa ostvaruje se uručenjem pisanog dopisa o raskidu ugovora drugom ugovaratelju.

Ako ugovaratelj sporazumno raskinu ugovor oni sporazumno i rješavaju sva sporna pitanja nastala raskidom ugovora.

Ugovorne strane su saglasne da se o pitanjima koja nisu regulisane ovim ugovorom primjenjuju odredbe iz Zakona o obligacionim odnosima.

Član 12.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

VIII POSEBNE ODRFEDBE

Član 13.

Sve izmjene ovog ugovora mogu se vršiti isključivo i samo uz pismenu saglasnost ugovorenih strana.

Član 14.

Ovaj ugovor stupa na snagu danom potpisivanja od strane ovlaštenih lica ugovornih strana.

Član 15.

Ovaj ugovor je sačinjen u 6 (šest) istovjetnih primjeraka, 2(dva) za Izvođača i 4 (četiri) za Naručioca.

ZA IZVOĐAČA
"SES" d.o.o. Sarajevo



Direktor
Emir Dedović

251-MG-74/19

ZA NARUČIOCA
H. SREDNJA ŠKOLA ZA TEKSTIL,
KOŽU I DIZAJN SARAJEVO



Direktor
Behudin Rovčanin, prof.

Broj: 01-1043/19

Datum: 09.9.2019